



Deddf Llywodraeth Leol (Democratiaeth) (Cymru) 2013

2013 dccc 4

RHAN 5

NEWIDIADAU ERAILL I LYWODRAETH LEOL

Panel Annibynnol Cymru ar Gynabyddiaeth Ariannol

64 Awdurdodau perthnasol

Yn adran 144 o Fesur 2011 (awdurdodau perthnasol, aelodau etc.)—

- (a) yn is-adran (2), ar ôl paragraff (d) mewnosoder—
 - “(e) corff a bennir yn awdurdod perthnasol mewn gorchymyn a wnaed gan Weinidogion Cymru.”,
- (b) ar ôl is-adran (5) mewnosoder—
 - “(6) Ni chaniateir i gorff gael ei bennu yn awdurdod perthnasol oni bai—
 - (a) bod Gweinidogion Cymru yn arfer swyddogaethau mewn cysylltiad ag ef,
 - (b) ei fod yn arfer swyddogaethau perthnasol, ac
 - (c) bod ei aelodaeth yn cynnwys o leiaf un aelod o awdurdod a ddisgrifir yn is-adran (2)(a) i (d).
 - (7) “Swyddogaeth berthnasol” yw—
 - (a) swyddogaeth a roddir gan un o Ddeddfau neu Fesurau Cynulliad Cenedlaethol Cymru, neu
 - (b) swyddogaeth y gellid ei rhoi gan un o Ddeddfau Cynulliad Cenedlaethol Cymru.
 - (8) Nid yw adrannau 142(4), 143, 147(3)(b) a 155 yn gymwys mewn perthynas â’r awdurdod perthnasol a ddisgrifir yn is-adran (2)(e).”.